



中國商戰失敗史


中國四十年
關稅統計表
中國十海商
統圖

黃炎培 龐淞

纂編



上海商務印書館發行



中國商戰失敗史敍

吾讀中國商戰失敗史而愀然焉。曰此非四十年來海關進出口貨價比較表乎。胡不幸而獲此戰敗之惡證。竊謂吾國自中外互市以來。商則有之。戰則未也。商與商自戰則有之。與外商戰則未也。然則吾國之有進口貨。彼外商以吾爲市場。捆載彼之國貨來耳。彼且如入無人之境。何勝敗之可言。吾國之有出口貨。彼外商因市場之所需要。捆載吾之國貨去耳。彼且如出無人之境。又何勝敗之可言。夫彼之商以農工爲大本營。既駸駸入吾不戰而并不守之國。吾之商方日爲彼商鄉導。或略分其芻秣以爲飽。而絕未知其大本營之所在。俾彼前鋒之鼻息。彼東則導之東。彼西則導之西而已。以云戰。其誤甚矣。雖然。吾國之商人其奮哉。吾既有爲人用之出口貨矣。則吾固有可戰之器在。吾器不自用而人用之。可恥孰甚。吾願吾國商人注意國外貿易之調查。偵知其市場之所需要。避實擊虛。以爲前鋒。吾尤願吾國工人日以研究藝術爲事。俾有多數精良之人造品。爲商人後盾。吾尤願吾國農人日以研究種植爲事。俾有多數精良之天產品。爲工人後盾。爲商人後盾之後盾。如是吾商人之大本營固庶乎可言戰矣。吾知後此數十年。有重檢海關進出口貨價比較表者。其感想必大異於今可知也。今歐戰逾二稔。歐商困矣。彼予吾以從容之準備。而吾弃其時乎。吾國之商人其奮哉。民國六年一月沈恩孚

自序

往歲偕農工商界同志組織實業團爲新大陸之游既定計頗欲稍稍調查國際貿易之歷史與其現況以爲之備案頭歷年海關冊不全則四出乞借縱橫披覽憾其端緒繁複輒思着手纂輯昔之從事乎此者就所及見若歸安錢氏青浦沈氏南通張氏顧不數年迹陳矣關冊譯漢自清光緒二年始迄於往歲恰四十年以謂可從而斷之也行期旣迫乃略定程式標義例以屬龐生淞龐生肄業南京高等師範學校而畢業於浦東中學校者能綜覈銳於思而果於力耗兩年暑期休假之光陰稿成相與反覆商榷增損以示沈君信卿旬其審訂君曰是非無所值者盡印以行也遂取抽象之義名之曰中國商戰失敗史更從而詮之具體立名以爲之副曰中國四十年海關商務統計圖表凡爲圖三表五十四表尾白其餘幅苟有心者歲錄其數更十年雖名五十年海關商務統計圖表可也所冀者更十年而商況一變相與致病夫抽象名之不復可用則吾中華其有豸矣夫中華民國五年十一月黃炎培

凡 例

1. 關冊譯漢自光緒二年始。二年以前之商業狀況無可考。本表之輯斷自光緒二年迄民國四年凡四十年。
2. 洋貨進口關冊本分洋藥、棉貨、絨貨、棉絨貨、雜質正貨、五金、礦石、雜貨等七類。茲將棉貨類析爲棉貨、棉紗兩表。絨貨、棉絨貨合爲一表。洋藥、五金、礦石仍各爲一表。析雜貨類爲糧食、糖、煤、油等爲十七表。以雜質正貨分隸衣類、雜貨兩表。凡爲表二十二。
3. 土貨出洋關冊聚列一類。近年始析爲土藥、棉貨、五金、礦石、雜貨等四類。茲將大宗貨物各立專表。以性質相類者隸屬焉。凡爲表二十五。
4. 進出貨價與各國往來貨價等皆可覘國際貿易之情狀。與列國商業之興替。各立專表以資比較。
5. 表中數量欄有未列細數及統計數者。或關冊所本無。或以單位不同。無從統計。概以虛線表之。價值欄內關冊併數項合計者。無由分列。亦以虛線表之。
6. 表中數量價值均無者。以實線表之。
7. 本表於民國四年之下。各留空格數行。以便閱者按年填補。
8. 算術上價目普通每間三位附點。茲中國習慣上每以萬爲大數之單位。故本表列數間四位附點。使閱者易於領會。
9. 表中數碼多至八九位。核校難周。疏漏之處。在所不免。閱者諒之。

編者誌

中國商戰失敗史

一名中國四十年海關商務統計圖表

第一編

總論

本書凡爲進口表二十二出口表二十五附表七都凡五十有四表國際貿易之情勢大略可見矣。

進口表第一爲棉貨如潮如山百貨莫敵歲銷額多於我全國所產者五之一我人一年間所衣被之棉織物百之五十六爲舶來品百之四十四爲自製品不貧何待第二爲棉紗洋紗流行土紗絕迹年來銷額五倍於我全國之所產是我一年間所產之棉織物六之五爲間接之洋貨自紡自織純粹之土貨僅六之一第三爲毛棉貨毛棉貧獸毛爲主要原料毛類出口歲逾千萬熟貨輸入五倍於我自製者工業不精利乃贈人第四爲洋藥毒禍我國深逾洪水四十年中耗銀千三百餘兆曠時廢業直接間接之損失尙不與焉國弱民貧胥由於此第五爲糧食米麵糧食非我所乏不遇偏災無庸告糴乃洋米洋麵歲來三千餘萬地力已盡耶人力未盡耳第六爲糖光緒初年出多於入近年進口之多倍於我全國所產出口至卑卑不足道華糖國外之銷路已絕國內之銷數三之二爲洋糖糖業危矣第七爲五金礦石第八爲煤油第

九爲煤炭三者皆屬礦產爲我所富有。勸採無術。產不敷用。委貨於地。旁求諸人。是無異棄家鷄而嗜野鶩。第十爲火柴。本輕利重。且爲日用必需之物。年來進口。尙三倍於我自製者。而硫磷諸原料。十八九來自外洋。利權之挽回者。蓋僅第十一爲棉花。棉布。棉紗之來。旣洶湧如是。棉花之來。又足抵出口四之一。則我棉產之不豐可知。第十二爲茶葉。茶爲我國特產。日本於明治初年始種茶。印度錫蘭爪哇之茶。十餘年來又大進步。近年輸入達四百餘萬。國外銷路之被奪可知。不謀自振。茶市將傾。第十三爲染料。洋染料未來之先。我國綢緞著聞豔麗。洋染料旣來以後。土靛遂爲淘汰。蓋不進則退。不事改良。靛業前途豈堪設想。第十四爲海味。我國海線長萬餘里。所產豈不足供所求。乃民力散弱。政府不顧問。人得而侵之。有海幾同無海。第十五爲藥材藥品。出入差足相抵。西醫用藥。關冊不載。進口之超過出口爲數。當亦非細。第十六爲飲食物類。酒我所能製也。牛乳。牛油。果品。菜蔬等皆我所有。無求於外。而歲來逾千萬口腹之侈也。第十七爲菸紙。煙之銷耗巨。爲害烈。無上下老幼。貧富貴賤皆嗜之。流毒之廣。幾等鴉片。溢利之多。又其次焉。第十八爲書紙文具。洋紙不知仿造。一鉛筆。一墨水之微。亦無自製者。宜其如此。第十九爲皮貨。皮件。皮。我所產也。不知製煉。乃以生易熟。第二十爲衣類。四衣帽非我所習服。旣輸我以料。復輸我以製成品。綢緞我所富有。乃出其奇巧之色樣。以移我所好。外人之善謀利如此。第二十一爲機械材料。機器也。材料也。器具也。軍械軍火也。我所不產。所不能製者。用之必取給於

外固無如何。然機器有單簡者。材料有易得者。軍械軍火之製。有專廠。夫豈不可於本國求之。而必於是。何哉。第二十二爲雜貨類。進口洋貨上所未列者。悉入。是多凡四十九項。農工礦物咸備。以郵政包裹。與未列名之雜貨。殿焉。

出口表第一爲蠶絲。彼求我供。大利在握。然十餘年來。所恃以折衝者。惟機器絲。價格恆高。脫貨恆易。絲市賴以維持。改良繅製之明效也。第二爲綢緞彩色絲綢。西女所喜。山東繭綢。適製西服。故銷路漸旺。近年可敵進口棉布五之一。第三爲茶業。四十年來。有退無進。印度錫蘭爪哇日本。俱係近鄰。勁敵急起直追。勢猶岌岌可危。因循蹊蹢。其能久乎。第四爲棉花。出產不豐。內用未足以生易熟。未足爲利也。第五爲黃豆類。農產出口。此爲大宗。近年突飛陡漲。近五千萬。南滿之利居多。第六爲皮貨。北方之產也。生皮多而熟皮少。其利非厚。第七爲毛類。呢絨之主要原料也。資人以生其利。第八爲草帽。綆山東名產也。選草不精。或攪僞質。銷流未暢。第九爲布疋。土布夏布。泥古不變。不合時尚。長闊不中度。不適於用。銷數僅及洋棉布百分之五。微矣。第十爲席。席之銷數。僅能保持二十年前舊額。日本臺灣奪其利也。第十一爲糖。十餘年大失敗。輸入以千計。輸出不及百。利無可言矣。第十二爲磁陶器。二十年來無進步。洋磁之來。且及出口三之一。製造之工拙。利乃式微。第十三爲油類。出口甚盛。內用亦足。可無求於外。第十四爲藥材藥品。滇蜀之產居多。銷額適足抵進口。第十五爲麻。西人用以織紗羅。利乃倍蓰。銷路賴以不削。第十六爲脂麻。農產物之微者也。

銷額達千萬可喜第十七爲動物類北地瘠獨豐水草宜畜牧天然之美利也第十八爲飲食物果品蔬菜足相抵花生粉絲之贏足補酒類之不足蛋之一物近年銷數在八百萬以上飼雞之學尙矣第十九爲書紙得進口之半第二十爲菸僅及進口五之一菸葉爲多紙煙不足道也第二十一爲糧食第二十二爲子核子餅俱係近十年來新流行之品販米出洋歲歲喧騰於社會顧爲國律所禁故無報關納稅明目張膽而爲之者私運出洋爲關冊所不載關冊無米非真無米也第二十三爲五金礦石第二十四爲煤炭近十年來始見端倪近年出口已足敵進口足徵礦業之漸形發達矣第二十五爲雜貨類出洋土貨上所未列者悉以實本表凡爲項二十有三農工礦物咸具以郵政包裹未列名之雜貨殿焉

進出口四十七表既略舉其關係如上說茲列民國二年進口最旺之數與民國四年出口最旺之數以類相從而爲表比較之如次

類 別	進		出	
	品 名	價 值	品 名	價 值
統 計		五七〇,〇〇〇		四一六,〇〇〇
雜 物	其他雜物	一〇六,〇〇〇	其他雜物	一〇六,〇〇〇
農 產 製 造 物	袋包、葵扇、席、漆、炭等 洋藥、麵粉、糖、茶葉、染料、油、酒、紙煙、呂宋煙、	一三六,〇〇〇	等 粉絲、紙煙、麵粉、子餅、袋包、竹器、漆、 茶葉、豆餅、乳腐、草帽、繩、席、糖、油、酒、	一三六,〇〇〇
水 產	海參、海帶、海菜、魚膠、魚介海味等	一六,〇〇〇	魚介海味等	一六,〇〇〇
礦 產	五金礦石、煤油、煤等	五三,〇〇〇	五金礦石、煤等	五三,〇〇〇
農 產 動 物	動物、獸毛、羽毛、皮貨、牛乳、牛油、乾脯等	三三,〇〇〇	動物、皮、毛、骨角、伙食、蛋、豬油、牛油等	三三,〇〇〇
農 產 植 物	棉花、煙葉、藥材、木材、沙藤、藤等	三〇,〇〇〇	棉花、木材、麻、藤、藥材、菸草、茶等	三〇,〇〇〇
農 產 食 物	米、糧食、果品、菜蔬、花生、食古等	三六,〇〇〇	豆、脂麻、糧食、果品、菜蔬、花生、杏仁等	三六,〇〇〇
工 業 製 造 品	物、漆、鋪飾物等 器、鐵、鋼、雜件、衣帽、鈕扣、鐵器、秤、家用雜 瓦、水泥、陶磁器、鑲製物、玻璃片、玻璃器、料 奢侈品、消耗品、書紙、文具、機械材料、火柴、磚	六四,〇〇〇	鞋、磚瓦、木絲帽、木器、墨、香紙等 陶磁器、料器、金銀器、爆竹、扇、衣服靴	六四,〇〇〇
紡 織 物	棉貨、棉紗、毛棉貨、綢緞、雜匹等	一,九二〇,〇〇〇 兩	蠶絲、綢緞、布匹等	一,〇五六,〇〇〇 兩

右表第一二六七八九項輸入多於輸出第三四五項輸出多於輸入比較其總價值計入多於出一萬五千一百三十萬兩

右表紡織物工業製造品爲工利農產食物農產植物爲農利農產動物爲畜牧之利礦產爲礦利水產爲漁利農產製造物與其他雜物假定農工各得其利之半以百分法計之如次

	進口	出口
工	六一	四二四
農	二二	三五三
畜牧	二	一五三
礦	一二	六六
漁	三	〇四

右表工礦皆工也農畜牧漁皆農也概括以二者百分計之如次

	農	工
進口	二七	三三
出口	五一	四九

觀此則知進口多工作物多熟貨出口多農產物多生貨夫以自號務農之國農產物之多固宜然核其價值僅及棉鐵兩大宗之進口我其可以農產自豪乎

嗚呼實業之不講久矣自古昔重士而輕農工商商賈逐末更爲鄉黨自好者所不爲農工商之品愈卑而術愈拙利愈不可保抑知國於競爭之世所恃以開發利源者莫如農工操縱利權者莫如商栽植之法不如人則人豐而我歉製造之工不如人則人贏

而我綢輸運之速不如人，則人勝而我負販賣之資本不如人，則人雄而我怯。學問藝術貴於應用，培植改良則收穫豐，傳播新種則品類富。以是知農學之不可不講，機器造作物精工速而利厚，手工製品愈瑣碎者愈關日用，愈不可忽。以是知工藝之不可不推廣，牲畜以換種而強飼養防疫設施得宜則繁殖，以是知畜牧之不可研究，輪船繁多運輸靈捷則操勝利。我國僅一招商局而船主舵工機師爲西人把持，不容華人插一足，權失而利微。數十年來無進步，近且岌岌可危。以是知航海駕駛之學更不可以一日緩。土貨出洋，洋貨進口，以洋商爲關鍵，不能自由定價，自由販運，利權已去其半。而洋商之抑勒壟斷，受害爲尤巨。以是知自由買賣之權，一日不爭回，國際貿易不能一日無失敗，制幣不一律，金融機關不徧設，商業不活動，人得而操縱之，陷我經濟於危地。以是知國際貿易非用金本位，不能免折閱稅，則束縛於條約，惟稅權操於客卿，盈虛銷長，不能因時調劑。以是知稅法不改良，稅權不收回，惡稅不除，釐卡不裁，進出稅失其重輕，終無以便商民，興商市，振商業，保商利也。嗚呼！國家貧弱，至今日而已極。司實業者以國用不充，意存銷極，縮財政者苛求聚斂，獨能取法列國田賦，我輕於彼，則議加雜稅，我少於彼，則議增，不知列國能爲民開衣食之源，裕之至足，取之不憂其匱。我於上之諸大端，未嘗一研究，爲民導生財之路，培克暴斂，竭澤而漁，國民交困，覆亡無日。此通國之憂，讀此表不禁觸予心，怒焉如搗，已欲悉其詳，具如分表。

中國商戰失敗史目次

第一編

總論	1
----	---

第二編

進口表	1
歷年棉貨類進口表	2
歷年棉紗進口表	6
歷年毛棉貨類進口表	10
歷年洋藥進口表	14
歷年糧食進口表	18
歷年糖進口表	22
歷年五金礦石類進口表	26
歷年煤油進口表	30
歷年煤炭進口表	34
歷年火柴進口表	38
歷年棉花進口表	40
歷年茶葉進口表	42
歷年染料進口表	46
歷年海味進口表	50
歷年藥材藥品進口表	54
歷年雜貨類進口表	56

歷年菸類進口表.....	60
歷年書紙文具進口表.....	61
歷年皮貨皮件進口表.....	62
歷年衣類進口表.....	64
歷年機械材料進口表.....	66
歷年雜貨類進口表.....	68

第 三 編

出口表.....	81
歷年蠶絲出口表.....	82
歷年綢緞出口表.....	90
歷年茶葉出口表.....	94
歷年棉花出口表.....	98
歷年黃豆類出口表.....	100
歷年皮貨出口表.....	104
歷年毛類出口表.....	106
歷年草帽縵草帽出口表.....	112
歷年布疋出口表.....	116
歷年席出口表.....	120
歷年糖出口表.....	124
歷年磁器陶器料器出口表.....	128
歷年油類出口表.....	132

歷年藥材藥品出口表.....	136
歷年麻出口表.....	138
歷年脂麻出口表.....	142
歷年動物類出口表.....	143
歷年飲食物類出口表.....	144
歷年書紙出口表.....	148
歷年菸類出口表.....	150
歷年糧食出口表.....	152
歷年子核子餅出口表.....	154
歷年五金礦石類出口表.....	156
歷年煤炭出口表.....	160
歷年雜貨類出口表.....	162

第 四 編

附表.....	169
歷年進出口貨價贏絀比較表.....	170
歷年金銀進出口贏絀比較表.....	174
歷年海關稅鈔收入表.....	178
歷年各國往來貨價表.....	182
歷年各國進出船隻噸數表.....	198
各國在華洋行人丁表.....	210
中西紀年周始表.....	219

A decorative border made of small, repeating floral motifs surrounds the central text.

第 二 編
進 口 表

歷 年 棉 貨

年 類	價					
	各種原布	各種粗布	各色斜紋布	各色標布	白色素色布	各色花布
光緒二年						
光緒三年						
光緒四年						
光緒五年						
光緒六年						
光緒七年						
光緒八年						
光緒九年						
光緒十年						
光緒十一年						
光緒十二年						
光緒十三年						
光緒十四年						
光緒十五年						
光緒十六年						
光緒十七年						
光緒十八年						
光緒十九年						
光緒二十年	903,0056	487,3256	333,1114	188,8959	662,3778	132,6031
光緒二十一年	1231,6270	389,6225	292,6013	264,3208	608,6450	155,4636
光緒二十二年	1235,8219	978,9630	528,7668	273,2089	806,9437	300,7714
光緒二十三年	1120,4951	796,5319	571,0693	291,9863	834,3190	200,7870
光緒二十四年	1130,7130	757,9891	443,9997	251,4600	748,5256	91,7947
光緒二十五年	1127,3768	1169,0315	511,6523	288,6303	955,1510	158,2820

類 進 口 表 (除棉紗)

值							說 明
各色棉 羽絨	棉法蘭絨 剪絨	各種巾帕	棉線棉繩	其他棉貨	統 計	比 上 年	
					兩		
.....					1737,7413		
.....					1611,4379	減	
.....					1350,8717	減	
.....					1940,9162	增	
.....					1973,4845	增	
.....					2181,8151	增	
.....					1820,1393	減	
.....					1680,4791	減	
.....					1655,7084	減	
.....					2362,2611	增	
.....					2124,3211	減	
.....					2450,0278	增	
.....					3101,0375	增	
.....					2317,4111	減	
.....					2571,5584	增	
.....					3238,6106	增	
.....					3064,8023	減	
.....					2734,3221	減	
133,9613	27,1523	26,6136	9,8250	85,6689	3080,6405	增	
114,5179	58,6611	30,8110	10,4188	40,3287	3196,9577	增	
327,2842	108,4835	73,4054	17,5085	89,6849	1740,8422	增	
376,0256	82,8019	45,6446	15,7156	103,6556	1439,0319	減	
250,8080	65,5670	35,3677	24,6412	56,0676	3856,9336	減	
331,2696	155,0195	58,6146	33,3368	97,4391	4885,7835	增	